

# Gassit silaannarmik kissakkiartortitsisartut flour-imik akullit ilaat pillugit nalunaarut

Avatangiisit innarlitsaaliorneqarnissaanik Inatsisartut inatsisaanni nr. 9-mi, 22. november 2011-meersumi § 10, imm. 1, nr. 1, 7 aamma 20, § 10, imm. 3, aamma § 66 imm. 3, aamma imaani avatangiisit illersorneqarnissaat pillugu Inatsisartut inatsisaanni nr. 15-imi, 8. juni 2017-meersumi, Inatsisartut inatsisaatigut nr. 8-kkut, 27. november 2018-meersukkut allannguuteqartinneqartumi § 32, imm. 4, aamma § 63 naapertorlugit aalajangersarneqarput:

## Atuuffii

§ 1. Nalunaarut manna nunami sumiiffinnut akisussaaffigisanut aamma immami sumiiffinnut akisussaaffigisanut atuuppoq.

*Imm. 2.* Nalunaarummi akuutissat nakkutigisat, taakkunungalu tunisassiat akuutissanik nakkutigisanik akoqartut, imaluunniit atorneqarnerminni akuutissanik taakkuninnga pinngitsuuisinnaanngitsut maleruagassiuunneqarput.

*Imm. 3.* Akuutissat nakkutigisat nalunaarummi matumani imatut paasineqassapput:

- 1) Hydrofluorcarbonit (HFC-it), tassanili hydrofluoroolefinit (HFO-t) pineqanngillat.
- 2) Perfluorcarbonit (PFC-it).
- 3) Svovlhexafluoridit (SF<sub>6</sub>).

## Akuutissanik nakkutigisanik il.il. tikisitsineq, tuniniaaneq, atuneqsananerlu

§ 2. Akuutissanik nakkutigisanik silaannarmut piaaraluni aniatitsinissaq inerteqqutaavoq, aninatitsinissaq atuinermi siunnerfusumi teknikkikkut pisariaqartinnagu.

§ 3. Tunisassianik nutaanik, akuutissanik nakkutigisanik akulinnik tikisitsinissaq, tuniniaanissaq atuinissarlu inerteqqutaavoq.

*Imm. 2.* Kisiannili tunisassianik nutaanik, ilanngussaq 1-imi allattuiffimmi allassimasunik, tikisitsinissaq, tuniniaanissaq atuinissarlu imm. 1-imi inerteqquteqarnermut 31. december 2035-p tungaanut ilaatinneqanngillat.

§ 4. Akuutissanik nakkutigisanik nutanik pissarsiareqqinneqartunillu tikisitsinissaq, tuniniaanissaq atuinissarlu kiisalu taamaattunik sananissaq inerteqqutaavoq.

*Imm. 2.* Kisiannili atueriaatsinut, ilanngussaq 2-mi allassimasunut tikisitsinissaq, tuniniaanissaq atuinissarlum imm. 1-imi inerteqquteqarnermut 31. december 2035-p tungaanut ilaatinneqanngillat.

**§ 5.** Tunisassiani, akuutissanik nakkutigisanik akulinnik sulisut ingerlatsinerminni akuutissanik nakkutigisanik piaarinaatsoornikkut aniatitsinissamik pinngitsoortitsiniarlutik annikillisisiniarlutillu naammaginartunik tamanik malitassaqaassapput.

*Imm. 2.* Akuutissanik nakkutigisanik seerisoqartoq paasineqarpat, sulisup ingerlatsisuusup tunisassiap pilertornerpaamik iluarsaanneqarnissaa qulakkiissavaa. Aamma sulisup ingerlatsisuusup iluarsaassinermiit qaammat ataaseq qaangiutsinnagu tunisassiap misissorneqarnissaa qulakkiissavaa, iluarsaassineq pitsaasumik suliarineqarsimanersoq uppersarniarlugu.

*Imm. 3.* Tunisassianik, akuutissanik nakkutigisanik akulinnik ikkussuisartut, misissuisartut, aserfallatsaaliuisartut, iluarsaassisartut matusisartulluunniit, akuutissanik nakkutigisanik seerisoqarnissaa pinngitsoortinniarlugu naammaginartunik tamanik malitassaqaassapput.

*Imm. 4.* Naalackersuisut inunnut, imm. 1-3-mi pineqartunut akuutissanik nakkutigisanik eqqortumik passussinissamut ilisimasaqarnissamik, soorlu ilinniartitaanikkut akuersissuteqarnikkulluunniit naammaginartumik piumasaqaateqarfusunik sukumiisunik piumasaqarsinnaapput, tassungalu § 6 naapertorlugu tamatumunnga pisariaqartitsisoqarnerani nakkutilliinissaq misissuinissarlum ilaatinneqarput.

#### *Misissuisarneq immikkullu ittumik akuersissuteqartarneq*

**§ 6.** Nalunaarummi matumani maleruagassat malillugit nunap killeqarfata iluani nakkutilliinerit misissuinerillu Kommunalbestyrelsimit isumagineqassapput.

*Imm. 2.* Kisiannili Avatangiisinut Naalackersuisoq suliffeqarfinnik, avatangiisit innarlitsaaliorneqarnissaanik Inatsisartut inatsisaanni kapitali 5 imaluunniit kapitali 8 naapertorlugit akuersissuteqarnissamut pisariaqartitsiviusunik nakkutilliinermik isumaginnittuussaaq.

*Imm. 3.* Imartami akisussaaffeqarfusumi umiarsuit imaani avatangiisit illersorneqarnissaat pillugu Inatsisartut inatsisaanni kapitali 19 naapertorlugu nakkutigineqassapput misissuiffigineqartassallutillu.

**§ 7.** Avatangiisinut Naalackersuisoq pisuni immikkut ittuni nalunaarummi matumani piumasaqaatit saneqqunneqarsinnaanerit akuersinnaavoq, tassungalu ilanngullugu imatut pisoqartillugu §§ 3-mi aamma 4-mi inerteqquteqarnermik saneqqutsinissamut akuersinnaalluni:

- 1) Tunisasiat aalajangersimasut saniatigut allanik qinigassaqaartoqartinnagu imaluunniit tunisassianik, aalajangersimasunik qinigassaqaartoqartinnagu.
- 2) Tunisassiamut aalajangersimasumut imaluunniit tunisassianut immikkoortunut aalajangersimasunut qinigassanik allanik peqartillugu, kisiannili taakku teknikki isumannaallisaanerluunniit peqqutaallutik atornerqarsinnaatinnagit.
- 3) Teknikki eqqarsaatigalugu atuinissaq qinigassanillu allanik qulakkeerinissaq naapertuutinningsumik annertuunik aningaasartuuteqarnermik kinguneqartussaattillugu.

*Imm. 2.* Imm. 1 naapertorlugu aalajangiinerni Avatangiisinut Naalackersuisoq piumasaqaatinik, gassit silaannarmik kissakkiartortitsisartut apparteqqinneqarnissaannut pisariaqartunik saqqummiisinnaavoq, tassungalu akuutissanik nakkutigisanik tikisitsinerimut avammullu nassiussinermut tunngatillugu paasissutissiinissamut piumasaqaateqarneq ilaatinneqarpoq.

## *Maalaarutit*

§ 8. Nalunaarut manna naapertorlugu aalajangiinerit tamarmik imaani avatangiisit innarlitsaalioneqarnissaannik Inatsisartut inatsisaanni kapitali 14-imi maleruagassat malillugit maalaarutigineqarsinnaapput.

## *Pineqaatissiisarnerit arsaarinnittarnerillu*

§ 9. §§ 2-5-imi unioqqutitsisoq, § 6 naapertorlugu misissuinissamut akerliusoq imaluunniit § 7 naapertorlugu immikkut ittumik akuersissuteqartoqarnissaanut piumasaqaatinik unioqqutitsisoq pineqaatissinneqarluni akiliisussanngortinneqarsinnaavoq.

*Imm. 2.* Kalaallit Nunaannut Pinerluttulerinermut Inatsimmi maleruagassat naapertorlugit ingerlatseqatigiiffinnut il.il. (suliffeqarfinnut) pinerluttulerinermi inatsisitigut akisussaasunngortinneqarsinnaavoq.

*Imm. 3.* Akiligassanngortitat Nunatta Karsianut ikineqassapput.

*Imm. 4.* Nalunaarummik matuminnga unioqqutitsisoqarnerani pinerluttulerinermut inatsimmi maleruagassat naapertorlugit arsaarinnittoqarsinnaavoq. Arsaarinnissutit Nunatta Karsianut tutsinneqartassapput.

## *Atuuttussanngortitsineq*

§ 10. Nalunaarut manna 1. aprili 2023-mi atuutilerpoq.

*Namminersorlutik Oqartussat, ulloq 3. marts 2023*

**Kalistat Lund (atsior.)**

Nunalerinermut, Imminut Pilersornermut, Nukissiutinut Avatangiisinullu Naalakkersuisoq

/ Natuk Lund Olsen (atsior.)

**Ilanngussaq 1**

**Tunisassiat uku, gassinik silaannarmik kissakkiartortitsisartunik taaneqatunik akullit § 3-mi inerteqquteqarnermut ilaatinneqanngillat:**

<b>Tunisassiaq</b>	<b>Gassi silaannarmik kissakkiartortitsisartog</b>
1. Sanaartukkat innaallagissamik sakkortuumik atuiffusut (1 kV-t sinnerlugit atuiffusut).	SF <sub>6</sub>
2. Kissamut pumpit, 100 tons CO <sub>2</sub> Ækvivalent-isut annertutigisunik <sup>[1]</sup> annikinnerusunilluunniit immikkat, tunisassiorfimmi ilivitsunngorlugit katiterneqareersimasut, pingaartumit svejserinikkut lodderinikkulluunniit katitikkat.	HFC-t
3. Kissamik katersueqqittarnermut nillarsaatit, 100 tons CO <sub>2</sub> Ækvivalent-isut annertutigisunik annikinnerusunilluunniit immikkat, tunisassiorfimmi ilivitsunngorlugit katiterneqareersimasut, pingaartumit svejserinikkut lodderinikkulluunniit katitikkat.	HFC-it
4. Nillartaartitsiviit, kissamut pumpit, nr. 2-mut ilaanngitsut, silaannarissaatit (ilorrisimaartitsisumik nillarsaasartut) aamma isugutserrutit, 5 tons CO <sub>2</sub> ækvivalent-isut <sup>1</sup> annertutigisut ataalluguluunniit immikkat.	HFC-it
5. Silaannaq ussissillugu naqitaq atorlugu nillasaatit panertitsisartullu (Trykluftkøletørreanlæg) 15 tons CO <sub>2</sub> ækvivalentisut <sup>1</sup> annertutigisumik annikinnerusumilluunniit immikkat, tunisassiorfimmi ilivitsunngorlugit katiterneqareersimasut, pingaartumik svejserinikkut lodderinikkulluunniit katitikkat	
6. Nillarsaatit seqqittartut.	HFC-it
7. Nillartaartitsiviit angallattakkat.	HFC-it
8. Qamutini assakaasulinni timmisartuniluunniit silaannarissaatit.	HFC-it
9. Qerititsiviit nillertorujussuit (-50° C-t sinnerlugit nillissusillit).	HFC-it
10. Nakorsaatit qillertuusani seqittakkaniittut.	HFC-it
11. Laboratoriani atortut.	Tamarmik
12. Nillartaartitsinermut atortunik misileraanermut misileraaviit.	HFC-it

- |   |          |
|---|----------|
| 13. Automatikkimut tunngasut (termostatit, ventiilit il.il.). | Tamarmik |
| 14. Tunisassiat sakkutooqarnermut atorineqartut.              | Tamarmik |
| 15. Tunisassiat umiarsuarni atugassat.                        | Tamarmik |

## Ilanngussaq 2

### Gassinik silaannarmik kissakkiartortitsisartunik atuinerit taaneqartut uku § 4-mi inerteqquteqarnermut ilaatinneqanngillat:

<b>Atuineq</b>	<b>Gassi silaannarmik kissakkiartortitsisartooq</b>
1. Nillatartitsivinnik, silaannarissaatinik, kissamut pumpinik isugutserutinillu suliaqarneq.	HFC-it
2. Qamutini assakaasulinni silaannarissaatinik suliaqarneq.	HFC-it
3. Sanaartukkanik innaallagissamik sakkortuumik atuiffiusunik suliaqarneq (1 kV-t sinnerlugit atuiffiusut).	SF <sub>6</sub>
4. Laboratoriani atortunik suliaqarneq.	Tamarmik
5. Sakkutuunit atorineqartut.	Tamarmik
6. Umiarsuarni atuinerit.	Tamarmik

[1] Tunisassiani annertussutsit CO<sub>2</sub> ækvivalent-illu Ilanngussaq 1-imi piumasaqaatinut naapertuunnersut nalilersuineri allagartalersuinernut malittarisassat tunngavigineqarput. Tassa Europaparlamentip EU-llu gassit silaannarmik kissatsitsisartut flourimik akullit pillugit peqqussutaanni nr. 517/2014 16. april 2014-imeersumi artikel 12, imm. 3, litra c. Kiisalu peqqussutip (EF) nr. 842/2006 atorunnaarsinneqarnera imaluunniit CO<sub>2</sub> ækvivalentit pillugit nunat tamalaat malittarisassat allat. Nalornisoqartillugu Naalakkersuisut tunisassiamut aalajangersimasumut annertussutsit CO<sub>2</sub> ækvivalentillu pillugit aalangiisassaaq.

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut